

<<米芾《蜀素帖》>>

图书基本信息

书名：<<米芾《蜀素帖》>>

13位ISBN编号：9787807255062

10位ISBN编号：7807255064

出版时间：2007-6

出版时间：上海书画出版社

作者：上海书画出版社 编

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<米芾《蜀素帖》>>

内容概要

青松劲挺姿，凌霄耻屈盘。
 种种出枝叶，牵连上松端。
 秋花起绛烟，旖旎云锦殷。
 不羞不自立，舒光射丸丸。
 柏见吐子效，鹤疑缩颈还，青松本无华，安得保岁寒？
 龟鹤年寿齐，羽介所托殊。
 种种是灵物，相得忘形躯。
 鹤有冲霄心，龟厌曳尾居。
 以竹两附口，相将上云衢。
 报汝慎勿语，一语堕泥涂。
 吴江垂虹亭作断云一片洞庭帆，玉破鲈鱼霜（此字衍）金（此字旁注）破柑。
 好作新诗继桑苎，垂虹秋色满东南。
 泛泛五湖霜气清，漫漫不辨水天形。
 何须织女支机石，且戏嫦娥称客星。
 时为湖州之行。
 入境寄集贤林舍人扬帆载月远相过，佳气葱葱听诵歌。
 路不拾遗知政肃，野多滞穗是时和。
 天分秋暑资吟兴，晴献溪山入醉哦。
 便捉蟾蜍共研墨，彩笺书尽剪江波。
 重九会郡楼山清气爽九秋天，黄菊红茱满泛船。
 千里结言宁有后，群贤毕至猥居前。
 杜郎闲客今焉是，谢守风流古所传。
 独把秋英缘底事，老来情味向诗偏。
 和林公岷山之作皎皎中天月，团团径千里。
 震泽乃一水，所占已过二。
 娑罗即岷山，谬云形大地。
 地惟东吴偏，山水古佳丽。
 中有皎皎人，琼衣玉为饵。
 位维列仙长，学与千年对。
 幽操久独处，迢迢愿招类。
 金颰带秋威，欬逐云樯至。
 朝躋輿馭飈，暮返光浮袂。
 云盲有风驱，蟾餐有刀利。
 亭亭太阴宫，无乃瞻星气。
 兴深夷险一，理洞轩裳伪。
 纷纷夸俗劳，坦坦忘怀易。
 浩浩将我行，蠢蠢须公起。
 送王涣之彦舟集英春殿鸣鞘歌，神武天临光下澈。
 鸿胪初唱第一声，白面王郎年十八。
 神武乐育天下造，不使敲抨使传道。
 衣锦东南第一州，棘壁湖山两清清（清字点去）照。
 襄阳野老渔竿客，不爱纷华爱泉石。
 相逢不约约无逆，輿握古书同岸帻。
 淫朋嬖党初相慕，濯发洒心求易虑。
 翩翩辽鹤云中侣，土苴庭鷗那一顾。

<<米芾《蜀素帖》>>

迹业（业字点去）来器业何深至，湛湛具区无底沚。
可怜一点终不易，枉驾殷勤寻漫仕。
漫仕平生四方走，多与英才并肩肘。
少有俳辞能骂鬼，老学嗚夷漫存口。
一官聊具三径资，取舍殊涂莫回首。
元祐戊辰九月廿三日。
溪堂米黻记。

<<米芾《蜀素帖》>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>